



*Jumat, 20 Januari 2023*

**Ogen : Kejadin 3:6b**



**Ngajuk Perbulangan**



Ndehara e me sindeherna ras kita, simereken ngaruh simbelinna bas geluh. Hawa ndehara Adam. E maka sindeherna ras Adam e me Hawa. Kai siidah Hawa, enggo payo akapna, e maka minter iputikken a buah batang kayu e. minter ipanna pe, sabap bas ukurna uga senangna ndatken pemete h si bujur ras si jahat. Perayakenna e mabaisa semangat ia muat dingan mankenca buah e. Ia terjeng man dirina saja tapi pe iberekenna man perbulangenna. Perbulangen pe terpengaruh bas silakoken ndeharana, lanai iingetna kerna pedah-pedah sienggo isehken man bana. Duana me ia man buah batang kayu e. Duana me ia ndabuh bas dosa janah duana ka me ia ngaloken ukumen.

Siakui maka kalak si enggo erjabu, enggo belinen ngaruh ndehara asangkan kalak sideban (Bd. Kej. 2:24). Ndehara lanai terjeng penampat man perbulangen tapi pe mereken ngaruh i bas kerina dampak kegeluhen. Bas cara ngeluh, i bas muat keputusan-keputusan bage pe bas kesehaten se isi jabu. Bagi belinna ngaruh Hawa nandangi Adam bage me belinna ngaruh ndehara man perbulangen. Adi bage ngaruh si uga nge sibereken man perbulangen ras se isi jabuta? Mabai ia ku bas sianggap kita enggo payo, tapi situhuna maba kepapaken entah sistentudu ras sura-sura Dibata. Ndehara si pentar ndehara si njadien Dibat jadi ingan tertandena. Erte h ate segelah Dibata singajar-ngajari ia bas mabai se isi jabu segelah ndatken keselamatan, ndauh bas ukumen Dibata nari. Ula kel min sempat arah belas-belasta entah perbahanenta erbahanca papak perbulangen bage pe anak-anakta. Sadarlah maka teptep ranan sibelasken kita e mereken ngaruh si mbelin, e maka ajuklah perbulangen rikut ras anak-anakta ku bas kiniulun arah perbahanen ranan sibelasken

☞ *Mbelin kel ngaruh ndehara man perbulangen*

